

SASKIBALOIA

PILOTA

LABURREAN



Stockton eta Jordan lehian.

Cavs-en defentsak garaipena eman zion Bulls-en aurka

NEW YORK

Cleveland Cavaliers taldeak 99-85eko emaitzaz menperatu zuen Chicago Bulls, eta Ekialdeko Konferentziako finala 2-2 berdindu zuen. Cavsek partiduen hasieratik hartu zuen aurrea markagailuan, eta ez zuen irabazteko arazo gehiegirik izan.

Lenny Wilkennsek zuzentzen duen taldeak partidu bikaina jokatu zuen, batez ere defentsan, eta ondorioz Bullseko jokalariek izugarritzko arazoak izan zituzten saskiratzeko orduan. Craig Ehlo, Cleveland Cavalierseko eskoltak hartu zuen Michael Jordan defentatzeko ardura, eta egia esan ondo bete zuen bere lana. Jordanek 35 puntu lortu zituen, baina momentu erabakiorrenetan ez zuen puntuak lortzerik izan, eta Chicagok ez zuen arerioa gainditzetik izan. Gainera, Ehlok 21 puntu lortu zituen —lau saskiratzerekin—. Scottie Pippen (13 puntu) eta John Paxsons (11 puntu) gaizki ibili ziren.

PORTLAND
OSO
LARRI

Portland Trail Blazers taldeak garai-pen garrantzitsua eskuratu zuen Utah Jazzen kontra, Mendebaldeko Konferentziako bostgarren partiduan (127-121) eta 3-2 utzi zuen kanporaketa. Oregonekoek luzapena behar izan zuten Utah gainditzeko, eta kanporaketa irabazteko uste baino arazo gehiago dituela argi utzi zuen. Blazersek argi nagusitu ziren lehenengo zatian —14 puntuko aldea ere izan zuten bigarren laurdenean—, baina ondoren Rick Adelmanen mutilek izugarritzko arazoak izan zituzten.

Jazzekoek asko hobetu zuten defentsan, eta markagailuan hurbiltzea ere lortu zuten. John Stocktonek partidua utzi behar izan zuen kolpe baten ondorioz, eta Karl Malonek hartu zuen eraso erantzukizuna. 'Mormoiek' partidua bedintzea ere lortu zuten hirugarren laurdenean. Luzapenean ordea, Portlandekoek lan hobea egin zuten.

Fernando Azkarate Barcelona'92rako aurreselekzioetik kanpo utzi dute

Elorriokoa eskuz binaka munduko txapelduna da, Eugirekin batera

Fernando Azkarate atzelari elorriarra, Cubako Munduko Pilota Txapelketan Patxi Eugirekin batera urrezko domina lortu zuena, Barcelonako Joko Olinpikoetarako selekzioetik kanpora utzi dute. Ruben Beloki eta Jon Bazeta izango dira eskuz banakako ordezkariak, eta Gorostiza, Lujanbio, Fernandez eta Balerdi binakakoak.

DONOSTIA



Azken orduan, baina Olinpiadetatik kanpo utzi dute Azkarate. BASALDUA

errioxarra, Iñaki Lujanbio eta Alfredo Balerdi nafarrak eta Fernandez biakaitarra; pala motzean Rafael Araujo nafarra, Daniel Garcia Jimenez eta Ricardo Garrido errioxarrak eta Pedro Hernandez kataluniarra; eta paletan larruzko pilotarekin Oscar Insausti, Luis Tejada eta Miguel Angel Uros 'Txiki' nafarrak eta Juan Pablo Garcia Jimenez errioxarra.

GARCIA ANGULO Euskadi eta
ETA Espainiako
KIKO CABALLERO pilota federa-
zioetako lehendakariak aurki

bilera izango dutela iragarri du Julian Garcia Angulok, «bi federazioen artean ditugun gatazkak aztertze» Kiko Caballerok eta Garcia Angulok topo egin zuten Anoetan, Ladis Galarza eta Julian Retegiren arteko eskuz banakako finala ikusteko. «Kiko Ca-

ballero agurtzeko aukera izan nuen —mintzo da Garcia Angulo— eta oso atsegin agertu zitzaidan. Euskadiko Federazioan kontuak nola dihoazen galdetu, eta ondoren lelokeriak alde batera utzi eta bioi ardura diguten arazoez hitzegiteko garaia bazela gaineratu nion».

Caballeroren erantzuna baiezkota izan zen, Garcia Anguloren esanetan, eta bien arteko bilera bakarrean egingo dutela gaineratu zuen, bitartekari zein instituzio politikoetako ordezkari gabe. «Euskadiko Pilota Federazioko buruzagi nagusia bat etorri zen nirekin elkarriketa hasteko, pilotaren arazoak konpontzeko aurrerapausu baliagarria izan daitekeelakoan», erantsi zuen Garcia Angulok.

Bileraren eguna oraindik ez dutela zehaztu ere adierazi zuen Garcia Angulok.

DALEY THOMPSON Joko Olinpikoak galtzeko zorian

Daley Thompson britainiarra, dekatloian munduko marka onena duen atleta, Barcelonako Joko Olinpikoetatik kanpo gera daiteke lesioagatik. Ezkerreko sorbaldan lesioa izan berri du Thompsonnek, hesiekin entrenatzen ari zela erortzean, eta ezin izango du Erresuma Batuko aukeraketa probetan parte hartu. Aukeraketa Batzordeak postua irabazi ez duen atletaren bat selekzioan sartzeko aukera du, eta Thompson ekaina aldera itzul daiteke lehiaketara. Azkar osatu beharko du beraz recordmanak Barcelona'92n izateko ●

ESLOVENIA

Neguko Olinpiadei uko egiteko prest

Esloveniak uko egingo dio 2002. urtean Neguko Joko Olinpikoak antolatzeari, ingurunean kalte ekologikoak eragiteko arriskua egonez gero. Txostena egiteko agindu dute Esloveniako agindariak, Neguko Olinpiaden antolaketa Tatra Garai, Behere eta Txikietan Joko Olinpikoen antolaketan izan dezakeen eragin ekologikoa aztertze. Inguruko alkate eta elkarte ekologisten artean istiluak ere izan dira, azken hauek Tatrako Parke Naturalera turista andana hurbiltzea eragotzi nahi dutelako ●

TENISA

McEnroe Roland Garrosetik at geratu zen lehen kanporaketan

DONOSTIA

John McEnroe tenislari estatubatuarra Roland Garros txapelketatik kanpo geratu zen, aurreneko kanporaketan Niklas Kulti suediararen kontra 6-2, 7-5, 6-7 (5-7) eta 7-5 galdu ondoren. McEnroek tantu politik egin zituen, baina ez zuen ezer egiterik izan Kultiren joko bizkorren aurrean.

Pete Samprasek bigarren kanporaketarako txartela eskuratu zuen, Marc Rosset suitzarra 7-6 (7-5), 4-6, 6-4, 3-6, 6-3 menperatu ondoren. Ivan Lendlék Sergi Bruguera kanporatu zuen,

6-4, 6-2, 6-1eko emaitzaz. Stefan Edberg —7-5, 6-1, 6-7 (5-7), 7-5 Oliver Soulesen kontra—, Alberto Mancini —6-4, 1-6, 6-4, 6-7 (6-8) eta 6-3 Alex Corretjaren kontra— eta Andre Agassi —6-1, 6-4, 6-4 Javier Franaren kontra— ere bigarren kanporaketarako sailkatu ziren.

Emakumezkoetan, faborito guztiek aurrera egin zuten arazorik gabe. Monica Selesek 6-1, 6-0 gainditu zuen Catherine Mothes. Jennifer Capriatik 6-1, 6-7 (3-7) eta 6-2 irabazi zion Beate Reinstadlerri, eta Arantxa Sanchez Vicario, 6-3, 6-2 gailendu zitzaion Emmanuela Zardori.



EUSKALDUNON EGUNKARIAK

ITZULTZAILEA behar du.

Kontutan hartuko dira:

- ☐ Itzultzaile ikasketak
- ☐ Itzultzaile esperientzia
- ☐ Gaztelera, frantsesa eta ingelesa menperatzea

Aurkeztutako guztiei frogaz egingo zaie.

Argibide gehiago: (943) 37 15 45

